

## National News

### Euthanasiegesetz: Kee Stierftourismus an de leschten 2 Joer

RTL - 24.03.2011, 17:50 - Fir d'lescht aktualiséiert: 25.03.2011, 06:21

Recommend

Be the first of your friends to recommend this.



Kee Stierftourismus zu Lëtzebuerg: Zweek Joer ass d'Euthanasiegesetz a Kraaft a fénnef Leit hunn bis ewell vun der Stierfhëllef gebrauch gemaach.



Iwwer 2 Joer, nodeems d'Euthanasiegesetz zu Lëtzebuerg a Kraaft ass, huet d'Association pour le Droit de Mourir dans la Dignité de Moien eng éischt Bilanz gezunn. An der ADMD sinn och d'Auteure vun der Gesetzpropositioun den Jean Huss an d'Lydie Err, déi ënnerstrach hunn, datt et weder zum Stierftourismus nach zu iwerméisseg ville Fäll vun Euthanasie koom.

Déi zoustänneg Commissioun, déi d'Stierfhëllef iwerrwaacht huet an hirem Rapport festgehal, datt an de leschten zweek Joer 5 Fäll vun Euthanasie hei am Land gouf. Déi ganz Polemik ronderëm d'Abuse war also net begrënnt, ënnersträicht den Jean Huss, Vizepräsident vun der Association pour le Droit de Mourir dans la Dignité. Viru Grujgeschichten hätte kathoulesch Kreescher nämlech ëmmer gewarnt an dovun geschwat, datt mam neie Gesetz, d'Leit an den Alters- a Fleegeheemer quasi ewech euthanaséiert ginn.

D'Lydie Err huet awer präziséiert, datt an Zukunft wuel méi Leit op d'Stierfhëllef zeréckgräifen. An deenen zweek leschte Joer hu nieft den 5 Fäll vun Euthanasie, bal 700 Leit eng „Disposition de fin de vie“ gemaach. D'Association pour le Droit de Mourir dans la Dignité huet awer drop higewisen, datt d'Gesetz nach net komplett genuch ass. Zum Beispill gëtt et nach ëmmer eng Incertitude wat Alzheimerkranker ubelaangt.

D'ADMD huet en Donneschdegmueren dann och nach eng Brochure iwwer d'Stierfhëllef an den assistéierten Suizid presentéiert. De Präsident Christophe Schiltz präziséiert, datt een op dëser Broschür 25 Froen fënnt, déi all déi eenzel Aspekter, déi een sech am Zesammenhang mam Euthanasiegesetz froe kann, trahéiert. Dann huet d'ADMD-L elo och een Sekretariat zu Gaasperech, wat permanent besat ass.

« Hannescht op d'Iwwersicht

« Hannescht op d'News Homepage

« Hannescht op d'Homepage

#### Links

[AUDIO: Reportage vum François Benoy op RTL Radio Lëtzebuerg](#)

- 25. Mär 10:29 [Accident um Sennengerberg: Chauffeur war ageschlof](#)
- 25. Mär 09:00 [Pensiounsreform: Diskussionsronn op RTL Télé Lëtzebuerg](#)
- 25. Mär 06:51 [Agence du Benevolat: Demissioun vum Nicole Reger-Beau](#)
- 24. Mär 22:42 [Accident tëscht Spréngkeng a Betten: 2 liicht Blesséierter](#)
- 24. Mär 18:21 [Gericht: Mann geheit Frënd vu Bréck, Zeien um 2. Prozessdag](#)
- 24. Mär 17:28 [Keng Radioaktivitéit aus Japan zu Lëtzebuerg ukomm](#)
- 24. Mär 17:03 [Déifferdeng: Mënschlech Schanken um Chantier Aalt Staathaus](#)
- 24. Mär 16:42 [OGB-L: Grousse Flou an alle Beräicher vu Pensiounsreform](#)
- 24. Mär 17:50 [Euthanasiegesetz: Kee Stierftourismus an de leschten 2 Joer](#)
- 24. Mär 13:54 [SES Astra mat méi Capacitéit: Plus 200.000 Stéit am Benelux](#)
- 24. Mär 11:45 [DP: Méi Transparenz beim Proffe-Concours gefuerdert](#)
- 24. Mär 10:20 [Lëtzebuurger Gemenge mobiliséiere sech géint Kettenuewen](#)